


Hoz es il Di internaziunal dal cudesch



AVRIGL

Il Di internaziunal dal cudesch

«I d'eira üna jada üna classa cun 20 uffants. Ils 23 d'avrigl es stat per els ün di tuot special. Els han durmi infin mezdi e pür la saira hana pakettà aint il turnister üna marena, ün sach da durmir, üna glüm da busacha ed ün cudesch. Cun quella chargia suna its in biblioteca. Là hana let tuotta not – e quels chi nu savaivan amo leger sves, han tadlà co cha tschels han prelet, infin ch'els sun indurmanzats. Forsa hana insömgià da las istorgias ch'els han let e dudi.» Durmir in biblioteca o in scoula e tadlar e leger la not intera – quai as faja propa qua o là al Di mundial dal cudesch. Inventà il Di mundial dal cudesch ha l'on 1995 l'UNESCO – l'organiziun chi voul impustüt cha tuot ils

umans possan ir a scoula ed imprend-der. Cudeschs güdan ad imprend-der linguas ed els ans quintan eir istorgias dad oters lös. Daplü chi's sa ed impreda dad oters e damain dispitta e guerra chi dà. Perquai ha l'UNESCO declerà ils 23 d'avrigl sco Di mundial dal cudesch. Perche güsta ils 23 d'avrigl? Quai ha da chefar cun üna tradiziun in Catalogna, ingio chi's festagia quella data il di dal nom da san Güerg. Quel di regala la gliעד tanter pèr rösas e cudeschs.

Hast tü ün cudesch predilet?

Va darcheu üna jà in biblioteca.

Baratta ün cudesch cun ün'amia.

Perche as legia cudeschs?


Che cudeschs (rumantschs) hast?

Che cudesch regalessast ad ün'amia o ad ün ami?

Guardast jent cudeschs cun disegns?

Brutus sco segn da cudeschs

- 1 Culurischa la figüra.
- 2 Taglia oura la fuorma e tilla plaja lung las sriblas.
- 3 Colla insembel il segn da cudeschs.




culurs

colla

forsch

Lupo sco segn da cudeschs

- 1 Culurischa la figüra.
- 2 Taglia oura la fuorma e tilla plaja lung las sriblas.
- 3 Colla insembel il segn da cudeschs.



culurs

colla

forsch

text: Charitina Josty, illustraziun: Yvonne Gièni,
grafica: Theres Jäger
© Lia Rumantscha

KIDSFITSCHE
Lia Rumantscha

Schweizerische Eidgenossenschaft
Confédération suisse
Confederazione Svizzera
Confederaziun svizra

Uffiz federal da cultura UFC